



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

III. Hoc Gregorij decretum statim receptum est. Hungari tamen restitere;  
ut colligitur ex epistola quadam Paschalis secundi, quæ emendatur.  
Baronij hallucinatio detegitur, qui ex una Paschalis ...

**urn:nbn:de:hbz:466:1-15617**

dendam rationem rei à se gestæ cogi non posset, quantumvis iniqua sententia esset. De cetero, inquit, predam à Puteacensibus in me & in Carnotensem Ecclesiam factam jure possem à vobis repetrere, si reverentiam vestram in jus vocare possem, qui ad suggestionem emulorum meorum predictos sacrilegos a me & coëscopis meis communione privatos me nesciente communioni reddidisti, ac per hoc scelerum suorum impanitate ad perpetrandam majora sacrilegia relaxasti.

X. Denique judicis Legatorum ac delegatorum sedis apostolicae facta in provinciis debere esse sacrofæcta decrevit Innocentius III. adversus Episcopum Piastavensem scribens. Cum enim prefatus esset de magnitudine & dignitate Romana Ecclesia, dixisset que eam esse conditionis humanæ legem ut hominem simul in diversis locis existere aut ad loca remota transvolare subito non permittat, addit Romanum Pontificem, quæ per se ipsum non potest, per Legatos suos vel delegatos judices exequi. Castigato deinde temeritatem Episcopi Piastavensis, qui publicè prædicabat se in episcopatu suo esse velle Episcopum atque Papam, & afferbat quod per judices delegatos à Papa, quos Papæ judicellos appellabat, in sua diœcesi nihil agi sineret, Capellani porrò de Mirebello præsumperat inhibere ne obserarent sententias quas delegati ab Innocentio judices protulerant & præceperant firmiter observari. Castigato igitur Episcopo illo, jubet uti sententia illa firmiter observertur, ea præclara ratione addita: *Si enim delegatos à nobis judices pro mandatorum executione nostrorum tanto discrimini subjacere contigerit, quis commissiones nostras recipere aut mandata exequi non timebit?*

#### C A P V T X L V I I I .

##### Synopsis.

I. Legatorum in provincias adventus ne minimo quidem sumptui olim erat provincialibus. Demum lata lex est, qua cautum est uti eis suppeditarentur sumptui, non solum necessarij, sed etiam liberales. Referunt elegans locus Serloni Episcopi Sagiensis.

II. Gregorius II. horatio est Germanus uti Bonifacio impendia necessaria præberent. Tandem Gregorius VII. formulam jurisjurandi prescribens Metropolitanis, jurare eos præcepit uis Legatos Romanos in eundo & redendo honorifice tractarent & in suis necessitatibus adjuvarent.

III. Hoc Gregorij decretum statim receptum est. Hungari tamen refutare; ut colligitur ex epistola quadam Paschalii secundi, qua emendatur. Baronij hallucinatio dezeugitur, qui ex una Paschalii epistola duas fecit.

IV. Stabilita necessitate suppeditandorum Legatis sumptuum, prescriptu ab iis est ordosolutionis, co-

lique provinciales immensas aurum argenteum moles pendere. Probatur ex Joanne Sarreberensi, & ex sancto Bernardo.

V. Probatur etiam ex epistola Friderici I. ad Adriatum quartum, in qua savi Legatorum quorundam actus describuntur. Ea charta pura sigillata dabatur, ut in ea secundum occasiones scriberent quod animis collubitum esset suis.

VI. Hunc fuisse vetustis illis seculis morem Ecclesiæ seu Curia Romana probatur etiam ex Mattheo Parisi.

I. **L**EGATORUM Apostolicæ sedis in provincias adventus ne minimo quidem sumptui olim erat provincialibus. Simpliciter vietabant, & si quid illis dabatur, ultro dabatur, nemque cogebatur ad præbendos sumptus Legatis. Ultimis vero temporibus lata lex est, qua cautum est uti Legatis apostolicæ sedis suppeditarentur sumptus, non solum necessarij, sed etiam liberales, ab iis ad quos mittebantur. Elegans est locus Serloni Episcopi Sagiensis apud Ordericum Vitalem in libro duodecimo historie ecclesiastice. Hic ergo cum inaudivisset Cardinales Romanos Petrum & Gregorium adesse, Clericis dispensatoribus suis dixit:

*Velociter ite, & diligenter Romanis servite,* Order. Vitale cap. 30. 5. 2.

*abundanter eis omnia dantes que necessaria sunt,* quia legationem Domini Pape, qui post Deum universalis pater est, deferunt, ipsique, qualescunque sint, magistri nostri sunt.

II. Primus omnium Gregorius II. mittens Vide infra lib. 4. cap. 30. 5. 2.

in Germaniam Bonifacium, Clericis ac nobilibus laicis eum commendaverat, nihil sanè imperans, sed hortans ut ei impendia necessaria præberent. Contributio autem illa infra mediocritatem sublîstebat, quod exigu admodum sumptus sufficerent homini frugiliter viventi & Apostolorum virtutibus æmulanti, ac præterea contributio illa sponte fiebat à volentibus. Tandem Gregorius septimus, qui Legatorum auctoritatem in immensum extulit, etiam eorum commodis consuls, Metropolitanis formulam præscripte secundum quam jurare debebant cum Pallium eis ab apostolica sede dabatur. In ea vero formula addita est clausula de procurationibus Legatorum, ut eo pacto certi illis essent sumptus necessarij. Clausula illius haec sunt verba: *Legatum Romanum eundo & re-* Apud Baron. pt. an. 1079. 5. 9. &  
*deundo honorifice tractabo & in necessitatibus suis* cap. Ego N. D. jurejurando.

III. Hoc Gregorij decretum statim publicatum, statim receptum est. Hungari tamen, quamquam sit major è longinquo reverentia, detrectaverunt per illas tempestates tribuere Legatis munera seu tributa quæ citra contradictionem eis solvebantur in aliis provinciis. Colligitur istud ex epistola Paschalii secundi ad Archiepiscopum Colociensem.

S. ij

sem, qui ad eum scriperat Regem & regni majores admiratione permotus quod Pallium sibi ab Apocrisiariis apostolice sedis tali conditione oblatum fuisset, si sacramentum juraret quod ei per Apocrisiarios eosdem misserat Summus Pontifex, id est, sacramentum à Gregorio VII. inventum, de quo mox dicebamus. Ut ergo Hungaros ad obsequium inclinet, primum ostendit quid si Pallium, deinde disputat de auctoritate Romani Pontificis in universa Ecclesia, denique docet illud juramentum per omnes ubique provincias vigere, etiam apud Danos & Saxones. Sic namque inter cetera scribit ad eundem Archiepiscopum: *Numquid non ultra vos Saxones Danique consistunt? Et tamen eorum Metropolitani & idem juramentum assurunt, & Legatos apostolice sedis honorifice tractant & in suis necessitatibus adjuvant.* Erravit autem Baronius, ut hoc obiter dicam, falsa epistola istius inscriptione qua extat in libris Decretalium deceptus, cum putavit parem à Paschali secundo epistolam scriptam esse ad Archiepiscopum Panormitanum. Erravit, inquam. Nam in libris Decretalium legendum non est Panormitanus Archiepiscopo, ut vulgo editum est, sed Colognensis Archiepiscopo, ut recte observatum est ab eruditissimo viro Francisco Florente ad Tit. *De usu & auctoritate Pally* pag. 338.

IV. Stabilita semel necessitate suppeditandorum Legatis sumptuum, praescriptus ab iis est ordo solutionis, coactaque provinciales immensas auri argenteique moles pendere. Vnde illa justissima Ioannis Saresberiensis querela: *Sed nec Legati sedis apostolice, inquit, manus suas excutint ab omni munere, qui interdum in provinciis ita debacchantur ac si ad Ecclesiam flagellandam egressus sit Satan à facie Domini.* Et infra: *Provinciarum diripiunt spolia, ac si thesauros Cræsi studeant reparare.* Ista verò adeo publica erant per illa tempora ut & ipse sanctus Bernardus ad Eugenium III. scribens eum moneat uti tales in Cardinalem collegium admittat qui, cum legatione sedis apostolicae ornati fuerint, Ecclesiæ non spoliant, sed emendent, qui marsupia non exauriant, sed corda reficiant, & crimina corrigan, qui cum ad apostolicam sedem redierint, redeant fatigati quidem, sed non suffarcinati, simul & gloriantes, non quid curiosa seu pretiosa queque terrarum attulerint, sed quid reliquerint pacem regnis, legem barbaris, quietem monasteriis, Ecclesiæ ordinem, Clericis disciplinam, Deo populum acceptabilem scelerarem bonorum operam.

V. Eadem tempestate, cum Adrianus IV. de Friderico primo Imperatore conquestus esset quod Cardinalibus à latere Romani Pontificis directis non solum Ecclesiæ sed &

civitates regni sui clauderet, rescriptit Fridericus eadem ferme quæ ad Eugenium scripsisse vidimus sanctum Bernardum. Hæc sunt enim verba Friderici: *Cardinalibus usque vestris clause sunt Ecclesiæ & non patent civitates; quia non videmus eos Cardinales, sed Carpinales, non predicatorum, sed predatores, non pacis corroboratores, sed pecuniae raptiores, non orbis reparatores, sed auri insatiabiles corrosores.* Cum autem viderimus eos quales requirit Ecclesia, portantes pacem, illuminantes patriam, assistentes cause humilium in equitate, necessariis stipendiis & commatu eos sustentare non differemus. Idem in edito tum publicato adversus eosdem Legatos ait: *Porrò quia multa paria literarum apud eos reperta sunt, & schedule sanguillate ad arbitrium eorum scribende adhuc, quibus, sicut haecenus consuetudinis eorum fuit, per singulas Ecclesiæ Teutonicæ regni conceptum iniustitiae sue virus respargere, altaria demolare, vasæ domus Dei affortare, cruce excoiriare nitebantur, ne ultra procedendi facultas eis daretur, eadem qua venerant via ad Vrbem eos redire fecimus.*

VI. Hunc fuisse vetustis illis seculis morum Ecclesiæ seu Curiæ Romanæ colligi potest ex his quæ Matthæus Parisius narrat de magistro Martino, quem Innocentius IV. in Angliam misit cum amplissima auctoritate, non tamen cum nomine Legati: *Permudum enim Legati se gerens, licet Legati vesibus pro privilegio Regis sophisticè salvando non insignitus, paßim significabat imperio illi Abbatum &c.* Hic ergo extraordinaria & amplissima, ut diximus, auctoritate instructus in Angliam veniens anno M C C X L I V. manus extendit ad contributionem exigendam, provisiones secundum mentis sue impetum, ratione relegata, ad opus ignororum faciendas, redditus violenter extortos consanguineis Domini Pape conferendos, auctoritate Papali truculenter armatus, cuius novas chartas secundum desiderium suum & secundum repentina casus emergentis negotium singulis diebus ostendit. Vnde fuerunt qui dicerent ipsam habere multas schedules non scriptas, tamen bullatas, ut in eis quicquid placueret scriberet, quod ab sit. Missus est igitur iste Legatus sophisticus &c.

#### CAPVT XLIX.

##### Synopsis.

I. Incunda est, quamvis invisa, narratio fideliorum facinorum per provincias patratorum à Legatis. Non omnia tamen congerenda. Comparandarum in primis divitiarum aviditatem in Legatis accusavit antiquitas. Violentia denariorum apud Veilenum Malmeburensem.

II. Ioannes Cremensis primum locum fauori se-